

辨

證

錄

序

醫小道也而益於民生者甚大習醫曲藝也而關於民命者最深岐黃以下代有名賢其間著書立說以傳於世者千百年來不啻汗牛盈棟矣然而意見各別言論參差求能去糟粕掇菁華更相表裏若出一人之手不少概見無惑乎醫道之難明而醫門之貽禍匪淺也余於斯術夙所未嫻適年屏棄塵事頗愛閒居嘗檢東垣李氏丹溪朱氏之書排遣寒暑反復尋繹一主清涼一主溫補以故宗朱者詘李宗李者詘朱而家攷難猶如水火愚竊謂藥性有

溫涼病症亦有虛實叅觀互取不惟可以相通兼可以相
濟則證之疑似不可不亟辨也彰彰矣庚午秋間漢川友
人客於邗上假館小齋業工醫術因舉平日疑義相質乃
爲予條分縷晰洞開胸臆而於證候一節尤有發明詢其
所傳則會稽陳子遠公也叩其所讀之書亦卽陳子自著
辯證錄一編也予索觀焉卽啓篋笥抄本持贈展開數過
凡辯論證候別具新裁實能闡揚靈素所未脩亟商付梓
公諸當世客欣然笑曰此予與陳君有志未逮者也若果
行此厥功懋矣於是彙輯全藁細加釐訂卷分一十有二

門分九十有一脈訣外科幼科以次類附焉越期年而告竣陳君篤實君子也自言授受之際踪跡甚奇要皆救世婆心而非故爲大言以欺人者學者服膺是編窮其辯證之精微究其制方之妙旨引而伸之觸類而長之毋按圖而索驥刺舟而求劍是則陳君之矢念也夫抑予之所厚望也夫

岑維

乾隆十二年秋八月望後六日天都黃晟別號退菴書於

槐蔭草堂

辨證錄自序

丁卯秋余客燕市黃菊初放懷人自遠忽聞剝啄聲啓扉
迎之見二老者衣冠偉甚余竒之載拜問曰先生何方來
得毋有竒聞誨鐸乎二老者曰聞君好醫特來辨難耳余
謝不敏二老者曰君擅著作才何不著書自雄顧咕咕時
藝竊耻之余壯其言乃尚論靈素諸書辨脉辨證多非世
間語余益竒之數共晨夕遂盡聞緒論閱五月別去訓鐸
曰今而後君可出而著書矣鐸退而記憶合以所試方日
書數則久乃成帙夫醫道之難也不辨脉罔識脉之微不

辨證罔識證之變今世以習診者亦甚多矣言人人殊究不得其指歸似宜辨脉不必辨證也雖然辨脉難知不若辨證易知也古雖有從脉不從證之文畢竟從脉者少從證者衆且證亦不易辨也今人所共知者不必辨也古人所已言者不必辨也必取今人之所不敢言與古人之所未及言者而暢辨之論其證之所必有非詭其理之所或無乍聞之而奇徐思之而實未奇也客曰布帛菽粟可以活人安在談醫之必奇乎余謝之曰布帛菽粟平淡無奇而活人之理實奇也日服之而不知其何以溫日食之而

不知其何以飽致使其理之彰可乎鐸之辨證猶談布帛菽粟之理耳客又笑曰君辨理奇矣已足顯著作之才奚必託仙以銜奇耶鐸尼山之弟子也敢輕言著作乎聞二先生教亦述之而已矣何必諱其非仙哉仙不必諱而必謂是書非述也得毋欺世以銜奇乎書非銜奇而仍以奇聞名者以鐸聞二先生之教不過五閱月耳數十萬言盡記憶無忘述之成帙是則可奇者乎豈矜世以銜奇哉

山陰陳士鐸敬之甫別號遠公又號朱華子

題於大雅堂

[illegible]

凡例

一是編皆

岐伯天師 仲景張使君所口授鐸敬述廣推以傳世實
遵 師誨非敢自矜出奇

一辨證不辨脉者以證之易識也苟能知症何必辨脉
哉雖然辨證更能辨脉則治病益精又在人善用之耳
一辨論證候均出新裁闡揚靈素所未備於二經不無
小補云

一編中不講經絡穴道以經絡穴道之義已顯載於靈

素二經人可讀經自考也

一各門辨證專講五行生剋之理生中有剋剋中有生經權常變顛倒紛紜貴人善讀之耳

一鐸壯遊五岳每逢異人傳刀圭之書頗富凡可引證附載於各辨證條後以脩同人採擇

一祖父素好方術遺有家傳秘本凡關合各症者盡行採入以成異書

一吾越多隱君子頗喜談醫如蔣子羽姚復菴倪涵初金子如蔡煥然朱瑞林諸先生暨內父張公噩仍與同

輩余子道元葉子正叔林子巨源錢子升璉丁子威如家太士或聞其餘論或接其片言均採入靡遺

一茲編不講鍼灸非輕之也蓋九鍼治病之法已暢論於靈素書中不必再爲發明耳

一人病最多集中所論恐不足槩世人之病然生剋之理旣明常變之法可悟此編旁通治法正有餘也

一二師所傳諸方與鄙人所採諸法分兩有太多過重之處雖因病立方各合機宜然而氣稟有厚薄之分生產有南北之異宜臨症加減不可拘定方中疑畏而不

敢用也

一鐸年過六旬精神衰邁二師傳鐸之言愧難強記恐至遺忘辨論之處或多未脩尤望同人之教鐸也

一是編方法親試者十之五友朋親串傳誦者十之三罔不立取奇驗故敢付梓告世然猶恐藥有多寡輕重方有大小奇偶又將生平異傳諸方脩載于後便世臨病酌用也

一岐天師傳書甚富而外經一編尤奇篇中秘奧皆採之外經精鑑居多非無本之學也鐸晚年尚欲箋釋外

經以求正於大雅君子也

一鐸勤著述近年以來廣搜醫籍又成一編決壽夭之
奇聞生剋之秘有益於人命不淺悵卷帙浩繁鐸家貧
不克災梨倘有同心好善之士肯捐資剏厥鐸傾囊付
之不吝惜也

大雅堂主人遠公識

[illegible]

辨證錄總目

卷之一

傷寒門

四十三則

中寒門

七則

卷之二

中風門

二十五則

痺證門

十一則

心痛門

六則

脇痛門

五則

頭痛門

六則

腹痛門

六則

腰痛門

六則

卷之三

咽喉門

七則

牙齒門

七則

口舌門

二則

鼻淵門

三則

目痛門

十二則

耳痛門

七則

血症門

二十一則

遍身骨痛門

四則

卷之四

五鬱門

六則

咳嗽門

八則

喘門

四則

怔忡門

三則

驚悸門

二則

虛損門

二則

不寐門

五則

健忘門

四則

癰癤門 六則

狂病門 六則

呆病門 三則

呃逆門 五則

卷之五

關格門 五則

中滿門 四則

翻胃門 五則

臃脹門 七則

厥症門 七則

春溫門 三十三則

卷之六

火熱症門 十六則

暑症門 十一則

燥症門 十五則

痿症門 八則

卷之七

消渴門

五則

瘰癧門

十一則

汗症門

五則

五癰門

十則

大瀉門

九則

痢疾門

十三

癥瘕門

八則

卷之八

瘡疾門

十則

虛損門

十二則

癆瘵門

十七則

夢遺門

七則

陰陽脫門

五則

淋症門

七則

卷之九

大便閉結門 九則

小便不通門 六則

內傷門 二十三則

疝氣門 附奔豚八則

陰痿門 五則

痰症門 二十一則

卷之十

鶴膝門 二則

癘風門 二則

遺尿門 三則

脫肛門 二則

強陽不倒門 二則

發斑門 二則

火丹門 二則

離魂門 三則

疰夏門 二則

脚氣門 一則

中邪門 六則

中妖門 六則

中毒門 十二則

腸鳴門 三則

自笑門 附自哭三則

惱怒門 二則

瘖啞門 三則

瘟疫門 一則

種嗣門 九則

婦人科

卷之十一

帶門 五則

血枯門 二則

血崩門 七則

調經門 十四則

受娠門 十則

姙娠惡阻門 二則

卷之十二

安胎門 十則

小產門 五則

鬼胎門 一則

難產門 六則

血暈門 三則

胞衣不下門 二則

產後諸病門 十一則

下乳門 二則

卷之十三 外科

背癰門 七則

肺癰門 四則

肝癰門 二則

大腸癰門 三則

小腸癰門 三則

無名腫毒門 二則

對口疽門 一則

腦疽門 一則

囊癰門 二則

臂癰門 一則

乳癰門 四則

肚癰門 一則

多骨癰門 一則

惡疽門 一則

疔瘡門 一則

楊梅瘡門 五則

腰疽門 一則

擎疽門 一則

腳疽門 二則

贅疽門 一則

唇疔門 一則

癰瘰門 二則

痔漏門 四則

頑瘡門 二則

接骨門 二則

金瘡門 一則

物傷門 三則

癩門 一則

刑杖門 一則

卷之十四 幼科

驚疳吐瀉門 七則

便虫門 二則

痘瘡門 十五則

疹症門 三則

奧泥門 一則

胎毒門 一則

辨證錄總目

終

辨證錄卷之一

山陰陳士鐸敬之甫號遠公父號朱華子著述

會稽陶式玉尚白甫號存齋又號

叅訂

傷寒門

一冬月傷寒發熱頭痛汗出口渴人以爲太陽之症也誰知太陽已趨入陽明乎若徒用乾葛湯以治陽明則頭痛之症不能除若徒用麻黃湯以治太陽則汗出不能止口渴不能解勢必變症多端輕變爲重法宜正治陽明而兼治少陽也何則邪入陽明留於太陽者不過零

寒症最

難治而最

易治也蓋

邪有來路

有去路有

蓋陽有旁
由太陽
一氣提來
下也從陽
而主是
少陽也斷
其大路也
其太陰肺
經是斷其
旁路也知
此法而通
之以治各
經何傷亦
之不愈耶

星之餘邪。治太陽反傷太陽矣。故太陽不必治。宜正治
陽明。蓋陽明爲多氣多血之府。邪入其中。正足大恣其
凶橫。而挾其腑之氣血。爲炎氛烈焰者。往往然也。故必
須用大劑涼藥。始可祛除其橫暴也。方用石膏一兩。知
母二錢。麥冬二兩。竹葉二百片。茯苓三錢。甘草一錢。人
參三錢。柴胡一錢。梔子一錢。水煎服一劑。而頭痛除。二
劑而身熱退。汗止而口亦不渴矣。此卽白虎湯變方。用
石膏知母以瀉其陽明之火邪。用柴胡梔子以斷其少
陽之路徑。用麥冬以清補其肺金之氣。使火邪不能上

逼用茯苓引火下趨於膀胱。從小便而出。而太陽餘邪盡隨之而外泄也。至於人參甘草竹葉。不過取其調和臟腑。所謂攻補兼施也。

或懼前方太重。則清肅湯亦可用也。并載之以備選用。

石膏五錢。知母一錢。麥冬一兩。甘草人參柴胡梔子各一錢。獨活半夏各五分水煎服。

一冬月傷寒發熱口苦頭痛。饑不欲飲食。腹中時痛。人以爲太陽之症也。誰知少陽之病乎。夫傷寒未有不從太陽入者。由太陽而入陽明。由陽明而入少陽者。傳經之次第也。何以邪入太陽。卽越陽明而入於少陽耶。人以

辨二經同感不是傳經最精把酒

爲隔經之傳也。而孰知不然。蓋少陽乃膽經也。膽屬木。木最惡金。肺屬金。而主皮毛。風邪之來。肺金先受。肺欺膽木之虛。卽移其邪於少陽。故太陽之症。往往多兼少陽同病者。然則此症乃二經同感。而非傳經之症也。治法似亦宜二經同治矣。而又不然。單治少陽。而太陽之病自愈。方用柴胡二錢。白芍五錢。甘草一錢。陳皮一錢。黃芩一錢。神麴一錢。白朮三錢。茯苓三錢。水煎服一劑。而熱止。二劑而腹不痛。頭不疼。而口亦不苦矣。此方卽逍遙散之變方也。蓋病在半表半裏之間。逍遙散旣解。

厥陰太陰
最難辨今
辨得甚清
請用藥處
後論解頭

散表裏之邪而太陽膀胱之邪何能獨留况方中原有
茯苓白朮以利腰膂而通膀胱之氣乎余所以止加神
麴黃芩少解其胃中之火以和其脾氣而諸症盡除也

此病用舒經
湯亦佳

薄荷二錢白芍五錢甘草八分黃芩二分
白朮二錢茯苓五錢桂枝三分水煎服

一冬月傷寒發熱口渴譫語時而發厥人以爲熱深而厥
亦深也疑是厥陰之症誰知爲太陰之症乎夫太陰脾
土也脾與陽明胃經爲表裏表熱而裏亦熱此乃胃邪
移入於脾經也此症最危最急蓋人以脾胃爲主脾胃

盡爲火邪所燦而腎水有不立時熬乾者乎。治法宜急救脾胃矣。然而救脾則胃火愈熾。救胃則脾土立崩。此中之消息最難。惟當速救腎水之乾枯而已。方用玄參三兩。甘菊花一兩。熟地一兩。麥冬二兩。芡實五錢。水煎服。此方名爲救枯丹。用玄參以散其脾胃浮遊之火。甘菊以消其胃中之邪。麥冬以滋其肺中之液。助熟地以生腎水。庶幾滂沱大雨自天而降。而大地焦枯立時優渥。何旱魃之作祟乎。又恐過於汪洋。加入芡實以健其上氣。而仍是腎經之藥。則脾腎相宜。但得其灌溉之功。

而絕無侵凌之患。故一劑而譫語定。再劑而口渴除。三劑而厥亦止。身亦涼也。此症世人未知治法。卽仲景張使君亦未嘗談及。天師因士鐸之請。特傳神奇治法。以爲傷寒門中之活命丹也。

此症用清土散亦妙。

石膏一兩。麥冬一兩。生地一兩。甘草一錢。金銀花五錢。白朮三錢。水煎服。

一冬月傷寒。大汗而熱未解。腹又痛。不可按。人以其爲邪發於外未盡而內結於腹中。乃陽症變陰之症也。余以爲不然。夫傷寒而至汗大出。是邪隨汗解。宜無邪在其中。

寒人但知
亡陽而不
知亡陰即
其亡陰此
辨論論非
和人所授
聖藥發千
聖所未

何至腹痛此乃陽氣盡亡陰亦盡泄腹中無陰以相養
有似於邪之內結而作痛蓋陰陽兩亡之急症也夫痛
以可按爲虛不可按爲實何以此症不可按而又以爲
虛乎不知陰陽兩亡腹中正在將絕之候不按之已有
疼痛難忍之時况又按而傷其腸胃安得不重增其苦
所以痛不可按也如遇此症急不可緩方用急救陰陽
湯用人參二兩黃芪三兩當歸一兩熟地二兩甘草三
錢白朮二兩水煎服一劑而腹痛頓止身熱亦解汗亦
盡止矣此方用參芪以補氣使陽回於陰之內用當歸

熟地以補血使陰攝於陽之中用白朮甘草和其腸胃而通其腰臍使陰陽兩歸於氣海關元則亡者不亡而絕者不絕也倘認是陽症變陰純用溫熱之劑加入肉桂乾薑附子之類雖亦能回陽於頃刻然內無陰氣陽回而陰不能攝亦旋得而旋失矣

此症用救亡散亦易奏功

人參當歸熟地各一兩甘草二錢附子一片水煎服一冬月傷寒大汗熱解腹微痛腰不可俯仰人以爲邪在腎經未出欲用薤白丸加防已治之非其治也此乃發汗亡陽陽虛而陰不能濟之故也夫陰陽相根此症因

不發
所發

汗泄過多陽氣無幾而陰又自顧不遑不敢引陽入室而陽無所歸故行於腹孤陽無主而作痛腎中之陰又因陽氣不歸而孤陰無伴不敢上行於河車之路故腰不可以俯仰方用引陽湯治之杜仲一錢山藥五錢甘草一錢茯苓二錢芡實三錢人參三錢肉桂三分白朮五錢水煎服一劑而腹疼止二劑而腰輕三劑而俯仰自適矣此方助陽氣之旺而不去助陰氣之微蓋陰之所以杜陽者欺陽氣之衰也予所以助陽而不助陰也倘用藉茲防已以重損其陰陽則終身不爲廢人者幾

希矣

此症濟陽湯

亦可用

杜仲二錢山藥一兩甘草一錢人參
五錢白朮五錢破故紙一錢水煎服

一冬月傷寒大汗氣喘不能息面如硃紅口不能言呼水
自救却僅能一口而不欲多飲人以爲熱極欲用白虎
湯以解其陽明之火也而不知此爲戴陽之症乃上熱
而下寒也若用白虎湯雖多加人參下喉卽亡矣方用
八味地黃湯半觔大鍋煎湯恣其渴飲必熟睡半日醒
來汗必止氣必不喘面必清白口必不渴矣蓋此症原

如硃紅
面者唇焦
口瘡舌干
身熱但欲
飲與之水
則不欲飲
或一口而
正兩足冰
此證亦
難辨也今

不知辨
謂入性
笑

証初起
屬內傷
乃屬醫
作外感
之則成
腫症矣
既成戴
陽而
其面有

不宜汗而汗之以致大發其汗汗既大出而陽邪盡洩
陽氣盡散陰亦隨之上升欲盡從咽喉而外越以皮毛
出汗而陰氣奔騰不得盡隨汗泄故直趨咽喉大路不
可止抑矣陰既上升陽又外洩不能引陰而回於氣海
陽亦隨陰而上而陰氣遂逼之而不可下故氣喘不能
息也且陽既在上火亦在上者勢也況陰盡上升則腎
宮寒極下既無火而上火不得歸源故泛炎於面而作
紅硃之色也上火不散口自作渴呼水自救者救咽喉
之熱而非欲救腸胃之熱也夫實熱多成於胃火而胃

外紅色又
作熱治則
無有不死
者

此快論
益信胃為
腎之關非
腎為胃之

熱之病必多號咷狂呼之狀今氣雖喘息而寧口欲言
語而不得非虛熱而何此真所謂上假熱而下真寒也
八味地黃湯補水之中仍是補火之藥下喉之時火得
水而解入胃之後水得火而寧調和於上下之間灌注
於肺腎之際實有妙用也夫發汗亡陽本是傷氣也何
以治腎而能奏功耶不知山陽之症內無津液以致內
火沸騰我大補其真陰則胃得之而息其焰胃火一息
而腎之關門閉矣腎之關門閉而胃之土氣自生胃之
土氣生而肺金之氣有不因之而得養者乎肺氣一生

自然清肅之令行。母呼子歸。同氣相招。勢必下引。腎氣而自歸於子舍矣。腎氣既歸。而腎宮之中。又有溫。和。春。色。以相薰。又得汪洋春水。以相育。則火得水而生。水得火而悅。故能奏功之神且速也。

返火湯治此症亦神

熟地三兩 山茱萸一兩 肉桂三錢 水煎服

一冬月傷寒發厥。面青。手冷。兩足又熱。人以爲直中陰寒也。宜用理中湯治之。而不知非其治也。此乃肝氣邪鬱。而不散。風邪在半表半裏之間也。若用理中湯治之。必然發狂而死矣。夫直中陰寒之症。未有不從足而先冷。

者也。今兩足既熱，其非直中肝經明矣。夫邪既不在肝經，似乎不可徑治肝經矣。然而邪雖不在肝經之內，而未嘗不在肝經之外也。邪在門外，與主人何豫而忽現發厥面青手冷之症耶？不知震隣之恐，猶有警惕之心。豈賊在大門之外，而主人有不張惶色變者乎？倘用理中湯，是用火攻以殺賊，賊未擒燒而房舍先焚，賊且乘火而突入於中庭，必至殺主人而去矣。治法用小柴胡湯加減以散其半表半裏之邪，而肝氣自安，外邪化爲烏有。方用柴胡二錢，白芍五錢，甘草一錢，當歸二錢五

分黃芩一錢半夏一錢水煎服一劑而手溫再劑而厥止身熱盡除而面青自白矣

此症用七賢湯亦甚效

白芍白朮各五錢甘草一錢肉桂三分柴胡一錢丹皮三錢天花粉二錢水煎服一劑即安

一冬月傷寒身熱汗自出惡寒而不惡熱人以爲陽明之症也欲用石膏湯治之而不知非也汗出似陽明然陽明未有不惡熱者今不惡熱而惡寒此陽氣甚虛邪欲出而不出內熱已解而內寒未散之症也此症必因誤汗所致方用補中益氣湯人參三錢黃芪三錢白朮二

汗之病
從內傷
治非勝議
兩到者斷
不敢輕用
能知放膽
用之無不
奏效

錢當歸二錢柴胡一錢升麻四分陳皮一錢甘草一錢
加桂枝五分水煎服一劑而汗止身涼寒亦不惡矣夫
補中益氣之湯非治傷寒之症也李東垣用之以治內
傷之病實有神功我何所取乎不知傷寒之中亦有內
傷之病正不可拘拘於傷寒而不思治變之方也況此
症因誤汗而成者汗已出矣邪之存於經絡者必淺即
有畏寒其寒邪亦必不重是外感而兼內傷也補中益
氣湯補正之中而仍有祛邪之藥故兼用之而成功也
况又加桂枝散寒之味乎倘誤認作陽明之症而妄用

白虎湯少投石膏鮮不變爲虛寒之病而死矣。辨症烏可不明哉。

溫正湯亦

可用

人參五錢黃芪一兩當歸五錢柴胡一錢
甘草五分神麴一錢桂枝三分水煎服

一冬月傷寒身熱五六日不解。譫語口渴小便自利欲臥。人以其爲陽明之餘熱未解也。而子以其爲不然。夫譫語雖屬胃熱。然胃熱譫語者其聲必高。拂其意必怒。今但譫語而低聲。非胃熱也。但既非胃熱。何以口中作渴欲飲水以自救耶。然口渴飲水。水不化痰上湧。反直走膀胱。

黑米飯
清熱散

而小便自利其非胃熱又明矣。夫陽明火盛多致發狂。今安然欲臥豈是胃熱之病。但既不是胃熱何以譫語。口渴不解至五六日而猶然耶。不知此症乃心虛之故也。心虛則神不守舍而譫語。心虛則火起心包而口渴。夫心與小腸爲表裏。水入心而心卽移水於小腸。故小便自利也。治法用茯苓五錢、麥冬一兩、丹皮二錢、柴胡一錢、甘草五分水煎服一劑而譫語止。二劑而口渴除。身熱亦解。此方名爲清熱散。用麥冬以補心。用茯苓以分消火熱。用柴胡、丹皮、甘草以和解其邪氣。心氣足而

邪不能侵邪盡從小腸以泄出而心中寧靜津液即生
故渴除而腎氣上交於心而精自長亦不思臥矣倘疑
爲胃熱而用白虎或用青龍之湯鮮不敗衄矣

涼解湯亦

可用

茯神三錢麥冬五錢玄參一兩柴胡
一錢甘草三分炒棗仁二錢水煎服

一冬月傷寒至五六日往來寒熱胸脇苦滿或嘔或吐或
渴或不渴或煩或不煩人以爲少陽之病也宜用小柴
胡湯和解之夫小柴胡湯治少陽邪之聖藥用之似乎
無不宜也以少陽居於表裏之間邪入而併於陰則寒

喜風
 風而無
 濟之則
 必乾酒
 發以風
 禾尤不
 以雨治
 之得快

邪出而併於陽則熱故痰結於胸而苦滿欲吐不吐欲
 渴不渴而煩悶生矣用柴胡湯以和解之自易奏功然
 而止可一用而不可常用也蓋少陽膽木最喜者水耳
 其次則喜風柴胡風藥得之雖可以解慍然日以風藥
 投之則風能燥濕愈見乾枯必以加雨濟之則鬱鬱
 愁其扶疎青翠爲何如耶譬之炎夏久旱禾苗將至枯
 槁必得甘霖霑足庶乎可救故用柴胡湯之後必須用
 補水之劑以濟之方用濟生湯熟地五錢玄參五錢麥
 冬三錢山茱萸一錢山藥三錢茯苓二錢白芍三錢柴

胡五分神麴三分竹茹一圓水煎服一劑而煩滿除再劑而寒熱止三劑而前症盡失也此方多是直補腎水之味直補其膽木之源則膽汁不枯足以禦邪而有餘況加入白芍柴胡仍散其牛表牛裏之邪安得不收功之速乎倘疑傷寒之後不宜純用補腎之藥恐胃氣有傷難以消化不知少陽之症由太陽陽明二經傳來火燥水涸不但膽汁爲邪所逼牛致熬乾而五臟六腑盡多炎燥是各經無不喜盼霖雨非惟少陽膽木一經喜水也然則用補水之藥正其所宜何至有停隔之虞哉

此症用和隔

散亦妙

柴胡一錢白芍一兩生地五錢玄參三錢麥冬二錢茯苓二錢竹茹一圓白芥子一錢水煎服

一冬月婦人傷寒發熱至六七日晝則了了夜則譫語如見鬼狀按其腹則大痛欲死人以為熱入血室而不知非止熱入血室也雖亦因經水適來感寒而血結故成如瘧之狀然而其未傷寒之前原有食未化血包其食而為瘧母也論理小柴胡為正治然而小柴胡湯止能解熱使熱散於血室之中不能化食使食消於血塊之內予有一方最神治熱入血室兼能化食可同治之也

大見
寒重
於亂雜
於傷寒
前問一
其所傷
不勝慨然

方名兩消丹用柴胡二錢丹皮五錢驚甲三錢山查肉
一錢枳殼五分炒梔子二錢甘草一錢白芍五錢當歸
三錢桃仁十粒水煎服一劑而痛輕二劑而鬼去讖語
亦止腹亦安然杳無寒熱之苦矣蓋此方既和其表裏
而血室之熱自解妙在用驚甲進攻於血塊之中以消
其宿食所謂直搗中堅而瘡母何所存立以作祟乎服
吾藥實可作無鬼之論也

此症清白飲

治之亦妙

丹皮三錢柴胡前胡各二錢白芍一兩青蒿三錢人
參甘草半夏各一錢青皮炒梔子各二錢茯苓當歸

各三錢

水煎服

冬月傷寒項背強几几汗出惡風服桂枝加葛根治之而不愈人以爲太陽陽明合病舍前方又將用何藥以治之而不知不可執也夫太陽之邪旣入陽明自宜專治陽明不必又去顧太陽也況於葛根湯中仍用桂枝以祛太陽之邪乎是太陽之邪輕而陽明之邪重矣方用竹葉石膏湯以瀉陽明之火而前症自愈但不必重用石膏也余定其方石膏三錢知母八分半夏一錢麥冬三錢竹葉五十片甘草一錢水煎服一劑而汗止再

劑項背強几几之症盡去而風亦不畏矣倘必拘執仲
景方法而仍用桂枝加葛根湯雖病亦能愈而消燦津
液亦多矣予所以更示方法使治傷寒者宜思變計而
不可死泥古人之文也

此症用清胃

湯亦佳

玄參生地五錢知母二錢半
夏一錢甘草五分水煎服

一冬月傷寒頭痛几几下利夫頭痛太陽之症也几几陽
明之症也是二經合病無疑似乎宜兩解其邪之爲得
然而不可兩治之也正以其下利耶夫陽明胃土也今

傷寒陽邪
陰陽最爲
可危若不
急爲挽救
一入於陰
便難措手
此藥用藥
必須力量
用解合湯
以止利直
先之法

挾陽明胃中之水穀而下奔其勢欲驅邪而盡入於陰
經若不專治陽明而急止其利則陽變爲陰熱變爲寒
其害有不可言者矣方用解合湯治之葛根二錢茯苓
五錢桂枝三分水煎服一劑而利止二劑而凡凡頭痛
之病頓愈蓋葛根乃太陽陽明同治之聖藥況加入桂
枝原足以散太陽之邪而茯苓不獨分消水勢得桂枝
之氣且能直趨於膀胱夫膀胱正太陽之本宮也得茯
苓澹泄而葛根亦隨之同行祛逐其邪盡從小便而出
求便利而大便自止矣此不止利而正所以止利不瀉

陽明而正所以瀉陽明兩解之巧又孰能巧於此者乎
此予所以謂不必兩治而止須一治之也

此症用葛根桂枝人參湯太妙
葛根三錢桂枝五分人參一錢水煎服

一冬月傷寒六七日後頭疼目痛寒熱不已此太陽陽明
少陽合病也而不可合三陽經而統治之然則終治何
經而三陽之邪盡散乎夫邪之來者太陽也邪之去者
少陽也欲去者而使之歸來者而使之去必須調和其
胃氣胃氣一生而陽明之邪自孤勢必太陽少陽之邪
盡趨陽明以相援而我正可因其聚而亟使之散也譬

如賊人散處四方自難擒勦必誘其蟻屯一處而後合圍守困可一舉而受縛也方用破合湯石膏三錢葛根三錢茯苓三錢柴胡一錢白芍三錢陳皮一錢甘草一錢水煎服此方治陽明者十之七治太陽者十之一治少陽者十之二雖合三經同治其實仍專治陽明也故一劑而目痛愈矣再劑而頭痛除矣三劑而寒熱解矣此皆胃氣發生之故奏功所以甚速也倘不治陽明而惟治少陽則損傷胃氣而少陽之邪且引二經之邪盡遁入陰經反成變症而不可收拾矣

此症和陽

湯亦妙

石膏五錢葛根白芍各二錢人參二錢麻黃
三分柴胡甘草各一錢天花粉五分水煎服

一冬月傷寒五六日吐瀉後又加大汗氣喘不得臥發厥
者此悞汗之故人以為壞症而不可治也夫大汗之後
宜身熱盡解矣今熱不退而現此惡症誠壞症之不可
治也吾欲於不可治之中而施可救之法亦庶幾於不
宜汗之中而救其失汗乎蓋傷寒至吐瀉之後上下之
邪必散而熱未解者此邪在中焦也理宜和解當時用
柴胡湯調治之自然熱退身涼而無如其悞汗之也今

失汗必須

救汗又何

疑哉但苦

救汗必多

用人參天

下發人多

醫人少
何從得衆
以全活之
乎余不禁
慨嘆云

快汗之後而熱仍未退身仍未涼是邪仍在中焦也此時若用柴胡湯則已虛而益虛不死何待乎必須大補其中氣使汗出亡陽仍歸於腠理之內少加柴胡以和解則轉敗爲功實有妙用也方用救汗回生湯人參三兩當歸二兩柴胡一錢白芍一兩陳皮五分甘草一錢麥冬五錢水煎服一劑而汗收再劑而喘定可以臥矣三劑而厥亦不作然後減去柴胡將此方減十分之六漸漸調理自無死法此救壞病之一法也人見人參之多用未必不驚用藥之大峻殊不知陽已盡亡非多用

人參何以回陽於無何有之鄉尙恐人參回陽而不能
回陰故又佐之當歸之多助人參以奏功至於白芍麥
冬之多用又慮參歸過於勇猛使之調和於肺肝之中
使二經不相戰尅而陽回於陰之中陰攝於陽之內聽
柴胡之解紛實有水乳之合也何必以多用參歸爲慮
哉

此症用救敗散

亦效如响

當歸麥冬人參各五錢白芍五錢柴胡甘草
各五分北五味十粒神麴三分水煎服

終月傷寒汗吐後又加大下而身熱猶然如火發厥氣

息奄奄欲死皆爲壞症不可救矣然亦有可救之法正以其誤下耳夫誤下必損脾胃之氣救脾胃未必非生之之道也惟是邪猶未解補脾胃之氣未必不增風寒之勢必須救脾胃而又不助其邪始可耳方用援下回生丹人參三錢白朮一兩茯苓五錢柴胡五分甘草一錢赤石脂末一錢水煎調服一劑而瀉止厥定二劑而身熱解口思飲食矣此時切戒不可遽與飲食止可煎米湯少少與飲漸漸加入米粒調理而自安設或驟用飲食必變爲結胸之症斷難救死也夫同是壞症前條

何以多用人參而此條少用人參耶蓋大汗亡陽其勢甚急大下亡陰其勢少緩亡陽者陽易散也亡陰者陰難盡也亡陽者遍身之陽皆泄非多用人參不能挽回於頃刻亡陰者脾胃之陰盡而後及於腎故少用人參而即可救於須臾此方之妙參朮以固其脾胃腎之氣茯苓以分消其水濕之邪柴胡甘草以調和於邪正之內加入赤石脂以收澁其散亡之陰所以奏功實神此又救壞症之一法也

此症用定亂

湯亦神

必吐
誤入
參
外
越

人參山藥各一兩茯苓薏仁各五錢甘草黃連
各五分陳皮神麴各三分砂仁一粒水煎服

一冬月傷寒汗下後又加大吐氣逆嘔吐飽悶胸中痞滿
時時發厥昏暈欲死譫語如見神鬼且知生人出入此
亦壞症之不可救者蓋不宜吐而誤吐以成至危之症
則當深思安吐之方舍轉氣之法又將何求乎方用轉
氣救吐湯治之人參一兩旋覆花一錢赭石末一錢茯
神五錢水煎服一劑而氣逆轉矣另用招魂湯人參三
錢茯苓三錢山藥三錢芡實三錢陳皮三分神麴三分
麥冬三錢柴胡一錢白芍五錢水煎服一劑而身涼神

魂寧貼前症盡愈夫汗下之後而身熱未解者此邪在半表半裏也理宜和解乃不用和解而妄用吐藥邪隨氣湧氣升不降者因汗下之後元氣大虛又加大吐則五臟反覆自然氣逆而不能順矣氣既逆矣嘔吐何能遽止胸中無物而作虛滿虛痞之苦以致神不守舍隨吐而越出於軀壳之外故陰陽人鬼盡能見之也似乎先宜追魂奪魄之爲急而必先轉氣者何也蓋氣不轉則神欲回而不能回魄欲返而不能返所以先轉其氣氣順而神自歸矣况轉氣之中仍佐以定神之品安得

不奏功如响哉至於轉氣之後反用招魂湯者豈魂尙未回魄尙未返而用此以招之乎蓋氣虛之極用轉氣之湯以順之苟不用和平之劑調之則氣轉者未必不重變爲逆也招魂湯一派健脾理胃之藥土氣旣生安魂定魄而神自長處於心宮而不再越矣然則招魂之湯卽養神之湯也此又救壞症之一法也

更有救逆散
亦能成功

人參二兩茯苓白芍各一兩附子一錢麥冬五錢牛膝二錢破故紙一錢水煎服

一冬月傷寒身重目不見人自利不止此亦壞症之不可

誤汗誤下
斷非人參

救者乃誤汗誤下之故耳一誤再誤較前三條爲更重
本不可救而內有生機者以胃未經誤吐則胃氣宜未
傷也扶其胃氣以回陽助其胃氣以生陰未必非可救
之又一法也方用漸生湯人參三錢白朮五錢茯苓一
兩山藥一兩芡實一兩黃芪五錢白芍五錢甘草一錢
砂仁三粒水煎服一劑而目能見人再劑而自利止三
劑而身涼體輕矣此方妙在緩調胃氣胃氣生而五臟
六腑俱有生氣矣夫陰陽之衰易於相生陰陽之絕固
難以相救第陰陽之道有一線未絕者猶可再延此症

雖壞而猶有生氣是陰陽在欲絕未絕之候故用參苓
芪朮之品得以回春也倘陰陽已絕又安能續之乎此
又救壞症之一法也

此症用救脾

飲亦效

人參茯苓巴戟天各五錢山藥芡實各一
兩北五味陳皮各五分神麴五分水煎服

一冬月傷寒悞吐悞汗悞下而身熱未退死症俱現人以
爲必死矣卽法亦在不救吾不忍其無罪而入陰也再
傳一起死回生之法以備無可如何之地而爲追魂奪
魄之方方名追魂丹人參一兩茯苓神五錢山藥一兩附

聖下齊
參

辨證錄

卷之一 傷寒

三

可以追魂
秦龜哉方
中用人
參二兩人
數多者
數少者

子一分甘草一錢生棗仁一兩水煎服一劑而大便止
者便有生機或汗止或吐止三者得一亦有生意蓋陰
陽未絕得一相接則陰陽自能相生蓋悞吐悞汗悞下
之症其陽與陰氣原未嘗自絕而亡其陰陽耳其陰陽
之根實有在也故一得相引而生意勃發服之而大便
止是腎陰之未絕也服之而上吐止是胃陽之未絕也
服之而身汗止是五臟六腑之陽與陰俱未絕也尙不
可生之有倘三者杳無一應是陰陽已絕實無第二方
可救矣或問追魂丹方中純是回陽回陰之藥而絕不

無邪矣

去顧邪者豈無邪之可散乎使身內無邪宜身熱之盡退矣何以又熱如故也嗟乎經汗吐下之後又有何邪其身熱之未退者因陰陽之虛爲虛熱耳使早用補劑何至有變症之生耶故止須大補其陰陽陰陽回而已無餘事不必又去顧邪若又顧邪則追魂丹反無功矣

此症用奪魂

湯亦神

人參生棗仁白芍各一兩伏

神五錢附子一分水煎服

一冬月傷寒八九日腹痛下利便膿血喉中作痛心丙時煩人以爲少陰之症也治法不可純治少陰然而本是

變神土以
定少陰之
亂實有定
機

少陰之症舍治少陰必生他變使治膿血而用桃花湯則心煩者不宜使治喉中作痛而用桔梗湯則腹痛者不宜而我以爲二方不可全用而未嘗不可選用也余酌定一方名爲草花湯用甘草二錢赤石脂二錢糯米一撮水煎服一劑而腹痛除二劑而喉痛止三劑而利亦愈煩亦安蓋少陰之症乃脾氣之拂亂也故走於下而便膿血奔於上而傷咽喉今用甘草以和緩之則少陰之火不上炎而後以赤石脂固其滑脫况有糯米之甘以益中氣之虛則中氣不下墜而滑脫無源而自止

何必用寒涼之品以瀉火而化膿血哉膿血消於烏有而中焦之間尙有何邪竹崇使心中之煩悶乎故一用而各症俱痊耳誰謂桃花甘草之湯不可選用哉

此症用脂草飲亦效

甘草赤石脂各一錢人參二錢水煎服

一冬月傷寒一二日卽自汗出咽痛吐利交作人以爲太陰之病也而不知乃少陰腎寒之病而非太陰脾虛之症也蓋傷寒初起宜無汗而反汗出者無陽以固其外故邪不出而汗先出耳此證實似太陰以太陰亦有汗自出之條但太陰之出汗因無陽而自泄少陰之出汗

陰出汗
關於陽虛

因陽虛而自越也夫少陰之邪既不出於腎經不能從皮毛分散勢必隨任督而上奔於咽喉而咽喉之竅甚小少陰邪火直如奔馬因竅小而不能盡泄於是下行於大腸而下焦虛寒復不能傳送以達於肛門又逆而上冲於胃脘而作吐矣方用溫腎湯人參三錢熟地一兩白朮一兩肉桂二錢水煎服一劑而汗止吐瀉亦愈而咽痛亦除此症乃下部虛寒用參朮以回陽用肉桂以助命門之火則龍雷之火喜於溫煖自然歸經安於腎臟矣然肉桂未免辛熱恐有助熱之虞得熟地以相

制則水火有既濟之歡也

此症可用桂朮湯

白朮五錢肉桂一錢水煎服

冬月傷寒五六日腹痛利不止厥逆無脉乾嘔而煩人
以爲直中陰寒之症而不知非也夫直中之病乃冬月
一時得之身不熱而腹痛嘔吐發厥者爲真今身熱至
五六日之後而見前症乃傳經少陰之症而非直中少
陰之症也雖傳經之陰症可通之以治直中之病而辨
症終不可不清也此症自然宜用白通加豬膽汁湯治
之夫本是陰寒之症何以加入人尿膽汁以多事不知

直中陰症
與傳經症
世人不知
分證久矣
何幸辨明

白通湯乃純是大熱之味投其所宜恐致相格而不得入正藉人尿膽汁爲鄉導之物乃因其陰盛格陽用從治之法爲得也蓋違其性則相背而順其性則相安然此等之症往往脉伏而不現服白通湯而脉暴出者反非佳兆必緩緩而出者轉有生機亦取其相畏而相制原有調劑之宜不取其相爭而相逐竟致敗亡之失也

此症可用桂朮加葱湯

白朮五錢肉桂一錢加葱一條水煎服

一冬月傷寒四五日後腹痛小便不利手足沉重而疼或咳或嘔人以爲少陰之症也宜用真武湯救之是矣然

而不知其病也我今暢言之四五日腹中作痛此陰寒入腹而犯腎也然而小便自利則膀胱尚有腎氣相通可以消寒邪而從小便中出倘小便不利則膀胱內寒無腎火之氣矣火微何以能運動於四肢乎此手足之所以沉重而作痛也火既不能下通於膀胱引寒邪以下走勢必上逆而爲咳爲嘔矣真武湯補土之藥也土健而水不能泛濫作祟仲景製此方於火中補土土熱而水亦溫消陰攝陽其神功有不可思議者矣

此症用四君加

薑附湯亦神

白朮一兩茯苓五錢附子一錢人參
五錢甘草一錢乾薑一錢水煎服

人之陰陽
最易絕而
又最難絕
易絕者邪
旺也難絕
者正衰也
正衰何反
難絕以正

一冬月傷寒四五日後手足逆冷惡寒身踈脉又不至復
加躁擾不寧人以爲少陰陽絕之症也而不知不止陽
絕也陰亦將絕矣蓋惡寒身踈更加脉不至陽已去矣
陽去而不加躁擾則陰猶未絕尙可回陽以攝之也今
旣躁擾不寧是基址已壞何以回陽乎雖然凡人有一
息尙存當圖救援之術以人之陰陽未易遽絕也有一
絲之陽氣未泯則陽可救有一絲之陰氣未泯則陰可
援也陰陽有根原非後天有形之物實先天無形之炁

不形與邪
爭邪反留
一線之陰
陽耳故助
正而可回
也
此證雖極
陰將絕矣
參附固能
回陽氣於
無何有之
鄉必宜加
入熟地黃
三錢庶無
損陽發躁
之虞耳何
知如後方
以參仁正

也補先天之氣而後天之氣不期其續而自續矣方用
參附湯救之用人參二兩附子二錢水煎服往往有得
生者雖此方不能盡人而救之然而既有此症寧使用
此方而無濟於生不可置此方而竟聽其死也況人參
能回陽於無何有之鄉而附子又能奪神於將離未離
之際使魂魄重歸陰陽再長原有奇功烏可先存必死
之心豫蓄無生之氣哉

此症用參朮附棗湯亦神

人參一兩白朮二兩附子一錢炒棗仁五錢

一冬月傷寒六七日經傳少陰而息高人以爲太陽之症

未除而作喘而不知非也夫太陽之作喘與少陰之息
高狀似相同而實殊太陽之喘氣息粗盛乃邪盛也少
陰之息高氣息緩漫而細小乃真氣虛而不足以息息
若高而非高也故太陽之喘宜散邪而少陰之息高宜
補正因少陰腎宮大虛腎氣不能下藏於氣海之中乃
上奔而欲散實至危之病也宜用朝宗湯救之人參三
兩麥冬三兩熟地三兩山茱萸一兩山藥一兩破故紙
一錢胡桃一枚水煎服一劑而息平再劑而息定此方
純用補氣填精之藥不去治息而氣自歸源者氣得補

而有所歸也譬如敗子將田園消化無存不能安其室而逃出於外豈不欲歸家哉實計無復之耳倘一旦有資身之策可以溫飽自然歸故里而返舊居豈肯飄泊於外而爲落魄之人哉或曰下寒則火必上越此等息高獨非腎氣之虛寒乎何以不用肉桂引火歸源耶嗟乎腎氣奔騰實因腎火上冲所致然而不用桂附者實亦有說腎火必得腎水以相養不先補腎水而遽助腎火則火無水濟而龍雷必反上升轉不能收息於無聲矣吾所以先補水而不急補火也況故紙亦是補火之

味更能引氣而入於氣海何必用桂附之跳梁哉

此症延息

湯亦妙

人參熟地各一兩山茱萸五錢牛膝破故紙各三錢
胡桃一箇陳皮三分炮薑一錢百合一兩水煎服

一冬月傷寒頭痛遍身亦疼宜用麻黃湯以發汗矣倘元
氣素薄切其尺脉遲緩雖是太陽正治而不可輕用麻
黃以汗之也人以爲宜用建中湯治之以城郭不完兵
甲不堅米粟不多宜守而不宜戰耳然建中湯止能自
守而不能出戰且賊盛圍城而城中又有奸細安能盡
祛而出之此症是太陽傷營之病舍麻黃湯終非治法

用麻黃之湯加人參一兩治之則麻黃足以散邪而人參足以助正庶補攻兼施正既不傷而邪又盡出也或謂既是麻黃之症不得已而加用人參可少減其分兩乎誰識元氣大虛非用參之多則不能勝任故必須用至一兩而後元氣無太弱之虞且能生陽於無何有之鄉可以禦敵而無恐矣倘不加人參於麻黃湯中則邪留於胸中而元氣又未能復胡能背城一戰乎此方若以麻黃爲君而人參爲佐必致僨事今用參至一兩而麻黃止用一錢是以人參爲君而麻黃轉作佐使正正

奇奇兼而用之此用兵之妙而可通之於醫道也

此症亦可用參苓麻草湯

麻黃一錢人參三錢茯苓一兩甘草一錢水煎服

一冬月傷寒吐下汗後虛煩脉微八九日心下痞硬脇痛
氣上冲咽喉眩冒經脉動惕者必成痿症人以爲太陽
之壞症也然而不止太陽之壞也傷寒經汗吐下之後
症現虛煩者虛之至也况脉又現微非虛而何夫痿症
責在陽明豈未成痿症之前反置陽明於不治乎治陽
明之火宜用人參石膏湯矣然既經汗下之後石膏峻
利恐胃土之難受火未必退而土先受傷非治之得也

瘧疾宜治
清熱非瀉
可以散火

方用青蒿防瘧湯人參一兩青蒿五錢半夏一錢陳皮
五分乾葛一錢連服二劑胃氣無傷而胃火自散諸症
漸愈而瘧症亦可免也蓋此症不獨胃火沸騰而腎肝
之火亦翕然而共起青蒿能去胃火而更能散腎肝之
火也一用而三得之然非用人參之多則青蒿之力微
不能分治於臟腑尤妙在佐之半夏陳皮否則痰未能
全消而氣不能遽下痞硬脇痛之症烏能盡除哉然而
青蒿瀉胃火尙恐勢單力薄復佐之乾葛以共瀉陽明
之火則青蒿更能奏功况乾葛散邪而不十分散氣得

人參以輔相青蒿尤有同心之慶也

此症可用調

胃二參湯

人參立參各五錢石膏三錢天

花粉二錢乾葛一錢水煎服

一冬月傷寒識語發潮熱以承氣湯下之不應脉反微澁
者是裏虛也仲景張公謂難治不可更與承氣湯豈承
氣湯固不可用乎夫既以承氣湯下之矣乃不大便是
邪盛而燥乾津液故脉澁而弱也非裏虛表邪盛之明
驗乎倘攻邪則邪未必去而正且益虛故爲難治當此
之時不妨對病家人說此症實爲壞症也予用藥以相

救或可望其回生而不能信其必生也用人參大黃湯
救之人參一兩大黃一錢水煎服一劑得大便而氣不
脫卽生否則死矣苟大便而氣不脫再用人參三錢陳
皮三分甘草三分芍藥一錢煎湯與之二劑而可慶生
全也

此症亦可用表

裏兼顧湯

大黃二錢人參五錢柴胡三分
甘草一錢丹皮二錢水煎服

一冬月傷寒發熱而厥厥後復熱厥少熱多病當愈旣厥
之後熱不除者必便膿血厥多熱少寒多熱少病皆進

也夫厥少熱多邪漸輕而熱漸退也傷寒厥深熱亦深
何以厥少而熱反深乎此蓋邪不能與正相爭正氣反
凌邪而作祟也譬如賊與主人相鬪賊不敵主將欲逃
遁而主人欺賊之懦愈加精神正氣既旺賊勢自衰故
病當愈也至於既厥之後而熱仍不除譬如賊首被獲
而餘黨尙未擒拿必欲盡殺爲快則賊無去路自然捨
命相鬪安肯自死受縛勢必帶傷而戰賊雖受傷而主
亦有焦頭爛額之損矣故熱勢雖消轉不能盡散雖不
敢突入於經絡而必至走竄於腸門因成便膿血之症

矣治法不必用大寒之藥以助其祛除止用和解之劑
賊自盡化爲良民何至有餘邪成羣作祟哉方用散羣
湯甘草二錢黃芩三錢當歸五錢白芍一兩枳殼一錢
水煎服一劑而無膿血之便者斷無膿血之災倘已便
膿血者必然自止妙在用歸芍以活血加甘草黃芩以
涼血而和血也所以邪熱盡除非單藉枳殼之攻散耳
至於厥多熱少寒多熱少無非正氣之虛正虛則邪盛
邪盛自易凌正而正不能敵邪自不敢與賊相戰安得
而不病進乎治法宜大補正氣而少加祛邪之藥自然

熱變多而厥變少而寒亦少也方用祛厥湯人參五錢
白朮一兩甘草二錢當歸五錢柴胡一錢附子一分水
煎服一劑而轉熱矣三劑而厥定寒除矣夫熱深而厥
亦深似乎消其熱卽消其厥也何以反助其熱乎不知
此二症非熱盛而厥乃熱衰而厥也熱衰者正氣之衰
非邪氣之衰也吾用人參歸朮以助其正氣非助其邪
熱也正旺則敢與邪戰而作熱一戰而勝故寒與厥盡
除也方中加入附子者尤有妙義參朮之類未免過於
慈祥倘不用附子將軍之藥則仁而不勇難成迅掃之

功加入一分以助柴胡之力則無經不達寒邪聞風而盡散所謂以大勇而濟其至仁也

此症可用

勝邪湯

甘草柴胡各一錢當歸白芍各五錢枳殼五分白朮三錢附子一分人參二錢水煎服

一冬月傷寒四五日後下利手足逆冷無脉者人以爲厥陰之寒症也急灸之不溫而脉亦不還反作微喘皆云死症而不必治也而吾以爲可治者正因其無脉耳夫
人死而後無脉今未斷氣而無脉乃伏於中而不現非
真無脉也無脉者固不可救脉伏而似於無脉安在不

可救乎用灸法亦救其出脉也灸之而脉不還宜氣絕
矣乃氣不遽絕而反現微喘之症此生之之機也蓋脉
果真絕又何能因灸而作喘作微喘者正其中有脉欲
應其灸而無如內寒之極止藉星星之艾火何能驟達
是微喘之現非脉欲出而不能遽出之明驗乎急用參
附湯救之以助其陽氣則脉自然出矣但參附宜多用
而不宜少用也方用人參二兩附子三錢水煎服一劑
而手足溫二劑而脉漸出三劑而下利自止而盡愈矣
夫附子有斬關奪門之勇人參有回陽續陰之功然非

多用則寒邪勢盛何能生之於無何有之鄉起之於幾微欲絕之際哉遇此等之症必須信之深見之到用之勇任之大始克有濟倘徒施灸法而不用湯劑或用參附而不多加分兩皆無識而害之兼財力不足而不能救也

此症可用人參雙薑湯
人參一兩乾薑三錢生薑三錢水煎服

一冬月傷寒身熱一日卽發識語人以爲邪傳陽明也誰知其人素有陽明胃火風入太陽而胃火卽沸然不靜乎治之法若兼治陽明以瀉胃熱治亦無差然而太陽

之邪正熾不專治太陽則衛之邪不能散營之邪不能解先去退陽明之火未必不引邪而入陽明反助其騰燒之禍也不若單治太陽使太陽之邪不能深入而陽明之火不治而自散耳方用平陽湯桂枝三分麻黃一錢甘草一錢青蒿三錢天花粉一錢水煎服一劑而身熱退讖語亦止矣此方少用桂枝而多用麻黃者以寒輕而熱重也用青蒿爲君者青蒿退熱而又能散邪且又能入膀胱而走於胃旣解膀胱之邪而又解胃中之火不特不引邪以入陽明而兼且散邪以出陽明也方

中又加天花粉者以譏語必帶痰氣天花粉善消膈中之痰而復無增熱之慮入於青蒿桂枝麻黃之內通上達下消痰而卽消邪也痰邪兩消又何譏語乎所以一劑而奏功耳

此症亦可用
爭先湯

桂枝五分麻黃五分石膏一錢麥冬
五錢茯苓五錢半夏八分水煎服

一冬月傷寒身熱二日卽有如瘧之狀人以爲證傳少陽也誰知其人少陽之間原有寒邪一遇傷寒隨因之而並見乎世見此等之症以小柴胡湯投之亦能奏功然

終非治法也法當重治陽明而兼治少陽爲是蓋陽明之火邪未散雖見少陽之症其邪仍留陽明也邪留陽明身發寒熱而譫語發狂之病未必不因之而起惟重治陽明則胃中之火自解使邪不走少陽而少陽原存之寒邪孤立無黨何能復煽陽明之焰自然陽明火息而少陽之邪亦解也方用破邪湯石膏三錢柴胡一錢半夏一錢茯苓三錢甘草一錢麥冬一兩玄參三錢陳皮一錢水煎服一劑而身熱解如瘧之症亦痊此方用石膏玄參以治陽明之火用麥冬以滋肺中之燥蓋肺

燥卽不能制肝膽之過旺也且肺燥必取給於胃則胃土益加乾枯其火愈熾矣今多用麥冬使肺金得潤不
必有藉於腎土則肺氣得養自能制肝膽之木而少陽
之邪何敢附和胃火以作祟乎況柴胡原足以舒少陽
之氣而茯苓甘草半夏陳皮之類更能調和於陽明少
陽之間邪無黨援安得而不破哉

此症用八公和

陽湯亦神

石膏一錢柴胡二錢茯苓三錢白朮二錢甘草一
錢炒梔子一錢青皮三分天花粉一錢水煎服

一冬月傷寒身熱三日腹滿自利人以爲陽傳於陰矣而

痛熱痛
別最清

孰知不然夫陰症腹滿自利而陽症未聞無之也不辨
其是陽非陰而概用治太陰之法鮮有不死亡者矣然
陰與陽何以辨之夫太陰之自利乃寒極而痛也少陽
之自利乃熱極而痛也痛同而症實各異此痛必須手
按之按而愈痛是陽症也若太陰陰症按之而不痛矣
故治陽症之法仍須和解少陽之邪而不可悞治太陰
也方用加減柴胡湯治之柴胡一錢白芍五錢茯苓二
錢甘草一錢梔子二錢陳皮一錢當歸三錢枳殼五分
大黃五分水煎服一劑而腹滿除二劑而自利止矣不

必三劑也此方和解之中仍寓微攻之意分消之內少
兼輕補之思所以火邪易散而正氣又不傷也若以大
承氣下之未免過於推蕩若以大柴胡下之未免重於
分消所以又定加減柴胡湯以治少陽腹滿之自利耳
此症亦可用

和攻散

柴胡梔子丹皮各二錢白芍五錢茯苓
三錢甘草陳皮大黃各一錢水煎服

一冬月傷寒身熱四日畏寒不已人以爲太陰轉少陰矣
誰知仍是太陰也夫太陰脾土也少陰腎水也似不相
同然而脾土乃濕土也土中帶濕則土中原有水象故

治風以消
寒者得到
假得出

脾寒卽土寒而土寒卽水寒也所以不必邪傳入腎而
早有畏寒之症矣治法不必治腎專治脾而寒症自消
方用理中湯加減治之白朮一兩人參三錢茯苓三錢
肉桂一錢附子一錢水煎服一劑而惡寒自解而身熱
亦解矣夫方中用桂附似乎仍治少陰之腎然而以參
朮爲君仍是治脾而非治腎也雖然脾腎原可同治參
朮雖治脾而亦能入腎況得桂附則無經不達安在獨
留於脾乎然則治脾而仍是治腎此方之所以神耳

此症用加味桂

附湯亦效

白朮一兩肉桂乾薑各一錢

附子甘草各五分水煎服

一冬月傷寒身熱五日人卽發厥人以爲寒邪已入厥陰也誰知是腎水乾燥不能潤肝之故乎夫發厥本是厥陰之症邪未入厥陰何以先爲發厥蓋肝血燥極必取給於腎水而腎水又枯肝來顧母而腎受風邪子見母之譬自然有不共戴天之恨故不必邪入厥陰而先爲發厥母病而子亦病也治法無庸治肝但治腎而厥症自定母安而子亦安也方用子母兩快湯熟地五錢麥冬五錢當歸二錢山茱萸三錢茯苓二錢芡實二錢山

藥二錢玄參五錢水煎服一劑而厥定再劑而身熱亦愈也此方純用補腎之味惟當歸滋肝之血也治腎而治肝在其中何必再用白芍以平肝氣耶且此症又不可用白芍也以白芍雖平肝氣可以定熱厥於須臾然而白芍定厥未免過於酸收與補水之藥同用於無邪之日易於生精與補水之藥同用於有邪之頃亦易於遏火不若單用補腎之味使水足以制火而又無火留之害爲更勝也故子母兩快湯所以不用芍藥而單用當歸者以當歸之性動不比芍藥之酸收耳且當歸善

傷寒症凡
太陽者
不可用桂
枝湯但宜
芍藥耳

助熱地山莫以生水生水以滋肝即補腎以制肝也

一冬月傷寒身熱六日而汗不解仍有太陽之症人以爲
邪返於太陽也誰知是邪欲返於太陽而不能返乎夫
邪既不能返於太陽當無太陽之症矣治法宜不治太
陽也然而不治太陽而邪轉有變遷之禍蓋邪既不能
復返於太陽窺太陽之門而欲入者亦勢之所必至也
用太陽之藥引邪而歸於太陽而太陽曾已傳過邪走
原路而邪反易散矣方用桂枝湯少以散之一劑而邪
盡化也倘多用桂枝湯則焦頭爛額曷勝其祛除乎此

又用藥之機權也

此症用解邪

湯亦佳

桂枝三分茯苓五錢當歸三錢生地五錢白朮
三錢陳皮三分甘草一錢麥冬五錢水煎服

一冬月傷寒至七日而熱猶未解譏語不休人以爲證復
傳陽明也誰知是邪欲走陽明而陽明不受乎夫陽明
已經前邪見邪則拒似乎邪之難入矣然而切膚之痛
前已備經故一見邪再入太陽惟恐邪之重入陽明也
所以震隣之恐先卽呼號而譏語生非從前邪實而作
譏語者可比治法不必專治陽明以截陽明之路惟散

太陽之邪而邪已盡散斷不復入陽明也方用桂枝湯一劑而譫語自止又何必用石膏湯以重傷胃氣哉

此症用和營

湯亦神

麻黃三分茯苓三錢當歸三錢玄參五錢甘草一錢麥冬五錢竹葉三十片半夏五分水煎服

一冬月傷寒至八日而潮熱未已人以爲邪再傳少陽矣誰知是邪在陽明欲出而未出乎夫陽明之府多氣多血之府也氣血旣多臟邪亦正不少痰在胃膈原能自發潮熱不必假借少陽之經也况邪又將出而窺伺少陽乃少陽前受陽明之貽害堅壁以拒未免寒心故現

潮熱之症其實尙未入於少陽也治法正不須治少陽之邪而單解陽明之熱陽明熱解而少陽之邪自散矣方用解胃湯青蒿五錢茯苓二錢甘草五分麥冬五錢玄參三錢竹葉五十片水煎服一劑而胃熱清矣再劑而潮熱退矣不必三劑也此方息陽明之焰而又能解少陽之氛一方而兩治倘徒解少陽之氛而陽明愈熾矣倘徒息陽明之焰而少陽又燥矣兩陽有偏勝之虞則二府必有獨乾之嘆自然輕變爲重邪傳正無已時今一方兩治仍是單治陽明而少陽治法已包於中所

以能收全功也

此症用發越

湯亦妙

葛根三錢 茯苓五錢 甘草五分 麥冬三錢
玄參一兩 生地三錢 柴胡五分 水煎服

一冬月傷寒至九日而瀉利不已人以為邪入太陰陽又
變陰之症誰知是陽欲辭陰之病乎夫變陰與辭陰何
以辨之變陰者陽傳入於陰也辭陰者陽傳出於陰也
入於陰則自利豈出於陰而反自利乎不知陰陽不相
接時多為瀉利不已但入陰之自利其腹必痛出陰之
自利其腹不痛也倘至九日而瀉利不已其腹不痛者

薄妙離
自利前
金不道

正離陰之自利也切戒不可用太陰止利之藥一用止利之藥而邪轉入陰必成危證矣法宜仍治少陽而解其表裏之邪則自利自止而寒熱之邪亦散也方用小柴胡湯加減用之柴胡一錢茯苓三錢甘草黃芩各一錢陳皮五分水煎服一劑卽止利而寒熱頓解矣此方專解半表半裏之邪而又能分消水濕之氣既不入陰而復善出陽故取效獨捷耳

此症用合陰

湯亦效

柴胡八分茯苓五錢甘草五分天花粉一錢枳殼三分神麴五分白芍三錢水煎服

一冬月傷寒至十日惡寒嘔吐人以爲邪再傳少陰矣誰知是邪不欲入少陰乎夫邪旣不欲入少陰何以惡寒嘔吐不知傷寒傳經而再入於太陰其中州之氣前經刻削則脾氣已虛脾氣旣虛而脾必耗腎中之火氣而腎又曾經邪犯在腎亦自顧不遑母貧而子不忍盜母之財故邪入於脾而脾甘自受先行惡寒嘔吐不待傳入少陰而始見此等證候也治法單治太陰脾土而嘔吐可止然而單治脾而不治腎則腎火不生脾土而惡寒終不能愈寒旣不除而嘔吐仍暫止而不能久止也

方用脾腎兩溫湯人參三錢白朮五錢肉桂一錢巴戟
天三錢丁香三分肉豆蔻一枚芡實三錢山藥三錢水
煎服一劑而惡寒止二劑而嘔吐盡除也此方用參朮
以健脾用巴戟天芡實山藥以補腎而又用肉桂丁香
以闢除寒氣旺腎火以生脾土則土氣自溫母旺而子
不貧亦母溫而子不寒也

此症用加味參朮

附薑湯亦神

人參五錢白朮五錢肉豆蔻一
枚附子三分乾薑一錢水煎服

一冬月傷寒身熱十一日而熱反更盛發厥不寧一日而

三四見人以爲邪再傳厥陰也誰知是邪不能傳肝乎
夫少陰寒水也邪在少陰未入厥陰何以發厥而見熱
症然而此厥乃似熱而非熱也內寒之甚逼陽外見而
發厥故不待傳入厥陰之經而先發厥耳症見此等證
候本是死證而用藥得宜未必至死仲景夫子未嘗立
方者非無方也以灸法神奇示人以艾火灸少陰者正
教人不必治厥陰也雖然灸少陰者固易回春而陽藥
又安在不可以起死方用回生至神湯人參三兩肉桂
三錢白朮二兩生薑汁一合葱十條搗汁同水煎服一

劑而厥定再劑而身熱解矣此雖在用參朮之多第不
佐之薑葱二汁則不能宣發於外而邪伏於腎中而不
得出也惟參朮得薑葱之助導之出外不必走肝而厥
反自安矣此治法之巧者

此症亦可用加味

人地湯殊驗

熟地二兩人參一兩白朮一兩附
子一錢生薑汁一合水煎調服

一冬月傷寒身熱十二日而熱仍不退不見發厥人以爲
傷寒至厥陰不發厥而病將退矣誰知傷寒虛極欲厥
而不可得乎夫熱深者厥亦深不厥似乎熱之不深矣

然而熱深而發厥者元氣足以鼓之也熱深而不能發厥者元氣不足以充之也傳經至十二日病已入肝而厥不應者非熱之不深乃元氣之甚困也烏可因不厥而卽疑其厥陰之不熱乎治法補其肝氣而輔之以解熱之品則厥陰不燥而木氣大舒邪不能留非惟熱解而見厥抑亦邪散而消厥也方用消厥散白芍五錢當歸五錢丹皮三錢生地二錢甘草一錢人參一錢炒黑荊芥三錢炒梔子一錢天花粉二錢水煎服一劑而厥乃發再劑而厥反定矣此方補肝涼血以治傳經之傷

寒世無其膽然而肝燥而內熱因虛而厥伏也非滋其肝中之血則熱深者何能外見乎故必補其虛而發厥隨可乘其厥而散熱也人亦可聞吾言而放膽治之矣

此症用增減逍遙散大效

白芍白朮各三錢當歸人參炒黑荊芥白芥子各二錢柴胡一錢甘草五分陳皮神麴各三分水煎服

一冬月傷寒至十二日之後忽然厥發發去如死人一樣但心中火熱其四肢如冰有延至三四日而身體不腐者人以爲尸厥也誰知是邪火犯心包絡堅閉其氣以守護其心乎夫傷寒傳遍六經未有傳心者也一至傳

心無不死者然而邪得以傳心者亦因包絡之虛力不能障心使邪之竟入也若包絡素無虧損邪雖直搗心宮而膻中膜膈足以相拒然而三陰三陽俱爲邪之所傳各各損傷包絡相臣出死力以禦賊號召勤王絕無一應惟有堅閉宮門甘與君王同殉至於各臟腑見君相號令不能宣揚於外自然解體有國亡無主之象所以手足肢體先冷如死灰也此時設有斬圍奪門之將掃蕩羣妖救君相於危亡之候自然外藩響應不必聽旨宣召無不歸誠恐後矣然則治法奈何助包絡之氣

此方固是
神效亦因

心中火熱
而救用之

若四肢厥
逆心中僅

更溫熱則
一點孤陽

不能自主
又用黃連

三錢以清
心中之火

雖有人參
為君其意

不能相濟
不若少用

黃連以加
減天王補

而加之祛邪之味可返死而回生也方用救心神丹人
參一兩黃連三錢菖蒲二錢茯苓五錢白芍一兩半夏
三錢附子一分水煎一碗以筆管通於病人喉中另使
親人含藥送下無不受者一劑而人之氣甦再劑而心
中之大熱自解而四肢手足盡溫矣夫厥症多熱四肢
之冷如冰者正心中之熱如火也熱極反為寒顫顫極
而人死其實人死而心尚未死此方用人參以固其生
氣以黃連清其心中包絡之火邪加附子一分為先鋒
加菖蒲為向導引人參黃連突圍而共入於心中又得

心陽治之
何如此亦
因心中不
寒火熱而
西地

白芍茯苓半夏平肝而不助火力濕而共消痰則聲援
勢盛攻邪尤易也或疑用黃連以清熱是矣何必助之
以人參而用人參亦不必如此之多孰知六經傳遍以
攻心則臟腑自虛多用黃連而不君之人參則有勇無
謀必至斬殺過甚反傷元氣又有主弱臣強之虞矣雖
救君於頃刻而不能衛君於崇朝不幾虛用奇兵哉

此症用活心

丹甚神

人參一兩黃連三錢菖蒲一錢麥冬生棗仁各五錢
南星一錢附子三分良薑五分生薑十片水煎灌服

群書

宋元一

書

中寒門

人遇嚴寒之時忽感陰冷直入於腑手足身皆冷面目色青口嘔清水腹中雷鳴胸脇逆滿體寒發顫腹中覺有涼氣一裹直冲而上猝不知人此寒氣直中七腑也夫中寒之病與傷寒之症大相懸絕蓋傷寒之寒由表而入於裏中寒之寒由腑而入於臟雖入腑入臟同是直中之症而治法終有不同也蓋入腑之寒輕於入臟則治腑之寒烏可重於治臟哉惟是腑有七而中腑之藥似宜分別大凡陰寒之中人必乘三焦之寒而先入溫

三焦

引神

卷之二十一

三焦

三焦之寒而七腑之寒可盡散也然而三焦之所以寒者又由於胃氣之虛也徒溫三焦之寒而不急補其胃氣則氣虛而不能接續烏能回陽於頃刻乎方用救肺回陽湯人參五錢附子一錢肉桂二錢巴戟天一兩水煎服此方用人參以扶胃氣用肉桂以回陽亦不必更借巴戟天之爲君矣不知巴戟天補心腎之火心腎之火旺而三焦之火更旺矣且巴戟天生胃氣而回陽故用之爲君尤能統人參附桂同心之將而掃蕩祛除寓剿於撫之中也所以一劑奏功陽回而陰寒立散矣

方集於
四庫全書
月巴戟天
石爲神

五臟中寒
是謂命門
而陽回亦
實之法

此症用木桂乾薑湯甚效

白朮一兩肉桂三錢乾薑三錢水煎服

人有嚴冬之時忽感陰寒唇青身冷手足筋脉攣急上吐
下瀉心痛腹疼囊縮甲青腰不能俯仰此陰寒中臟之
病也夫中臟重於中腑寒氣入於五臟似宜分臟而治
然而不必分也但直溫其命門之火則諸臟之寒可以
盡散蓋命門爲十二經之主主不亡則心君必不爲下
殿之走主不亡則肝木必不爲遊魂之變主不亡則肺
金必不爲魄散之升主不亡則脾土必不爲崩解之阨
惟命門旣寒而陽氣爲陰邪所逼越出於腎外則五臟

之神不能獨安各隨陽而俱遁矣然則五臟爲寒邪所犯不必治五臟也獨溫其命門而五臟之寒可解雖然命門雖爲五臟之主而五臟氣虛大兵到處掃蕩羣妖苟無糧草何以供命此命門宜溫而五臟之氣亦不可不補也方用蕩陰救命湯人參一兩白朮三兩熟地三錢肉桂一錢附子三錢山茱萸二錢茯神三錢水煎服一劑而陽回再劑而全愈何神速乃爾蓋寒入五臟由命門之陽外出一回其陽而寒氣無留於臟矣方中以參朮爲君似乎止救心脾二經雖附子肉桂與熟地山

茱同用腎亦在所救之中而肝肺竟置之度外何以能
斬關直入回陽於頃刻耶不知五臟爲寒邪所犯大約
犯腎之後卽便犯脾而後犯心也犯肝肺者無多也故
專顧心腎與脾經而肝肺已在其內況人參同附子並
用無經不達又寧有肺肝之不入者乎而且補肝補肺
之藥無非收斂之劑欲祛邪而使之出不可留邪而使
之入倘用收斂之味以補肝肺反掣人參附子之手不
能迅於蕩陰矣此用藥之不雜實有秘義也且腎中水
火原不相離用桂附大熱之藥以回陽未免腎中乾燥

與其回陽之後又補腎水以濟陽何如於用火之時而先爲防微之爲得哉吾所以少用熟地山茱於桂附之中以制火之橫且火得水而歸源水招火而入宅故能奏旣濟之勲而無亢炎之失也

此症用參朮桂附

加熟地湯亦妙

人參白朮各一兩附子肉桂

各二錢熟地五錢水煎服

一冬月直中陰寒吐瀉交作身發熱者人以爲傷寒傳經之症也然而雖是傷寒實有分別此乃直中少陰之邪而非傳經少陰之邪也夫直中陰經原無身熱之症茲

何以身熱耶此正陽與陰戰乃邪旺而正不肯安於弱以致爭鬪而成熱也若傳經少陰之症必至數日後始行吐瀉未有初感第一日卽身熱而上吐下瀉者故此症確是直中而非傳經也直中邪卽入裏傳經邪在表而入裏本是懸殊不可不察也治法用參附茯苓湯人參一兩附子一錢茯苓五錢水煎服一劑而吐瀉止而身熱亦退何其效之速乎不知此症原因陽氣之弱不勝陰邪之盛故爾發熱吾助其陽氣則陽旺而陰自衰况又佐之附子之勇猛突圍破敵則陽氣更盛自然轉

敗而成功矣且益之茯苓之澹泄分消水氣則胃土得安而上下之間無非陽氣之升降陰邪又安能冲決哉

此症亦可用參苓附朮加生薑湯

人參白朮生薑各一兩附子二錢茯苓三錢水煎服

人有直中陰寒腎經獨受身顫手戰者人以爲寒入於骨中也誰知是命門火冷不能外拒夫陰寒乎蓋命門爲十二官之主宰人有此火則生無此火則死火旺則運用於一身而手足自溫火衰則力不能通達上下而一身皆冷又何能溫熱夫手足耶故命門火旺外來之寒邪可以相拒而不敢相犯惟火衰之極而陰寒內逼直

更須辨之
以舌舌滑
者乃寒舌
燥者乃熱
也天下往
往有陽症
以陰者亦
多身手之
不顫耳

入腎宮命門畏寒太盛幾幾乎有不敢同居之勢身顫者難以自主也手戰者難以外衛也治法亟溫補其命門使命門之火足以勝外來之寒則命門之主不弱而後陽氣健旺能通達於上下之間陰消寒散不致侵犯心宮也方用直中陰臟第一方治之附子一錢肉桂二錢丁香一錢白朮二錢水煎服一劑而寒祛身顫手戰皆定也此方盡是陽藥以陽藥而治陰症自是相宜然而至急之症何以少用分兩而成功至神者因火欲外越一助火而火即回宮火因弱而逃自必見強而返火

既歸矣又有餘火以相助則命門火旺母論足以祛寒而寒邪亦望火而遁也

此症用援命拒寒湯實神

白朮三兩肉桂三錢破故紙三錢杜仲三錢水煎服

人有少陰腎經感中邪氣小腹作痛兩足厥逆人以爲寒邪之直犯於腎也誰知入腎而兼入於小腸之腑乎夫邪既入腎乃入臟也臟重於腑何必辨其邪入於小腸乎然而辨症不清則用藥必然寡效雖腎開竅於二陰又曰腎主大小便腎寒則小腸亦寒治腎則小腸亦愈而終不知小腸之與腎同感寒邪也蓋寒客於小腸則

腎者仍
命門也

腹痛而脉不通脉既不通安得兩足之不厥逆乎不可
徒認作寒入於腎而不入於小腸也但治法不必治小
腸而仍須治腎治腎者溫腎也溫腎卽所以溫小腸矣
方用止逆湯附子一錢白朮三錢車前子三分吳茱萸
五分水煎服一劑而痛除厥止矣此方用附子以祛寒
用吳茱萸以通氣加白朮車前利腰臍而消濕雖治小
腸而實溫腎宮也腎宮之命門熱而小腸之氣化自行
又烏有不通之病乎故不必止而而痛除不必轉逆而
逆定耳

此症亦可用木桂豆苓湯亦肉桂三錢
白朮一兩茯苓三錢肉豆蔻一枚水煎服

人有猝中陰寒身不能動人以爲寒中於脾也誰知仍是
寒中於腎乎夫中寒而致手足之不能動已是危症况
一身全不能動乎蓋手足冷而不動猶是四圍之病身
僵而不動實乃中州之患也人非火不生而火非心火
乃腎火也腎火旺而脾土自可運用於無窮腎火衰而
脾土難轉輸於不息故腎寒而脾亦寒脾寒而身卽不
能運動耳所以治法不可徒治脾而必須治腎尤不可
統治腎而必須溫腎中之火也方用直中陰臟第二方

厚非溫
腎不成功
而溫脾非
溫命門不
奏效信然
也

治之附子一錢肉桂一錢熟地二錢乾薑一錢水煎服
一劑而身動寒消矣此方用桂附乾薑直搗中堅以迅
掃其寒邪則腎中命門之火勃然猝發而寒邪自去矣
第過用純陽未免偏於太燥益之熟地以佐之陽得陰
而不至耗水豈特相濟有成哉

此症亦可用附桂

薑朮加熟地湯

熟地五錢白朮一兩乾薑三錢
肉桂二錢附子三分水煎服

人有猝犯陰寒之氣兩脇痛極至不可受如欲破裂者人
以爲寒犯肝也誰知仍是寒犯腎乎夫脇乃肝位犯腎

宜病在腎不宜病在肝因腎寒而又畏外寒之侵而腎之氣乃逃避於肝子之家受創深重而不敢復出也在肝木因腎水遁入忍見父母之受傷乎自然奮不顧身怒極而欲戰也兩脇欲破正木鬱難宣之象治法以火熨其外寒者少濟其一時之急也方宜用寬肝湯救之人參一兩熟地二兩附子一錢柴胡五分甘草三分肉桂三錢水煎服一劑而痛定也人見用參附以回陽未必相疑用熟地以滋陰不能無疑也嗟乎腎氣遁入肝宮而寒邪必乘勢以逼肝矣肝氣一怯非上走於心必

下走於腎矣走於心則引邪而上犯於心君必有下堂
之禍走於腎則引邪而下侵於相位必有同殉之虞故
用參以補心使心不畏邪之犯用熟地以補腎使腎不
畏邪之侵而肝氣瞻顧於子母之間兩無足慮自然并
力以禦寒矣况又益之以助火舒木之品而肝中之鬱
大解故背城一戰而奏捷也倘用此藥而全無一效是
心腎兩絕而肝氣獨存不能生矣

此症用祛寒針

腸湯亦神

人參五錢肉桂三錢白芍二錢當歸三錢
柴胡五分白朮一兩甘草五分水煎服

辨證錄卷之一終